


辯意長者子所問經
無垢優婆夷問經

三百四
竟十

4979b

R



二經同卷十

竟

辯意長者子所問經

無垢優婆夷問經

佛說辯意長者子所問經

元魏沙門釋法場譯

聞如是一時佛在舍衛國祇樹給孤獨園與

千二百五十沙門俱菩薩萬人尔時世尊與

無央數大眾共會圍遶說法時舍衛城中有

大長者子名曰辯意與五百長者子各有五

百侍從來詣佛所前以頭面著地為佛作禮

却坐一面於是辯意長者子察眾坐定承佛

威神即從座起整衣服儼然而前為佛作禮

長跪叉手白佛言欲有所問惟願世尊慈悲
敷演世尊至真三界無上道德神化濟度群
萌敷演權道令衆得所當來之世五濁鼎沸
三毒熾盛以此相燒無尊無昇毒心相向若
當臣王以貪國位興師相伐身死名滅當介
之時灾及小民若佛弟子四輩之衆蒙佛遺
恩得爲道名外著法服內懷嫉妬無有敬順
轉相誹謗揚惡遏善貢高非彼如此人輩皆
是地獄餓鬼畜生之分利一時之榮不知後
世數劫之殃當以何法而勸化之唯願世尊
具示教化使將來之人可蒙此福得離三塗
永處福堂佛言善哉善哉辯意長者子乃於

佛前作師子吼有所發起開化一切當來愚
闇兇惡之人得蒙是義使如此乎所欲問者
莫得疑難如來當為分別說之長者子辯意
白佛言人何因緣得生天上復何因緣來生
人中復何因緣生地獄中復何因緣生餓鬼
中復何因緣生畜生中復何因緣得生尊貴
為人所敬復何因緣生奴婢中為人所使復
何因緣生庶人中口氣香潔身心常安為人
所譽不被誹謗復何因緣得生人中常被誹
謗為人所憎形體醜惡身意不安常懷恐怖
復何因緣所生之處常與佛會聞法奉持初
不差違遭遇知識逮得好心若作沙門常得

所願所問如是唯願世尊分別解說令此衆
會得聞正教願使一切得濟彼安

佛告長者子辯意諦聽諦聽善思念之吾當
爲汝解說要妙有五事行得生天上何謂爲
五一者慈心不殺群生悉養物命令衆得安
二者賢良不盜他人財物布施無慳貪濟諸
窮乏三者貞潔不犯外色男女護戒奉齋精
進四者誠信不欺於人護口四過無得貪欺
五者不醉酒不過口行此五事乃得生天亦

時世尊以偈頌曰

不殺得長壽 無病常鮮肥 一切受天位

身安光影至 不盜常大富 自然錢財寶

七寶為宮殿

娛樂心常好

男女俱不姪

身體香潔淨

所生常端正

德行自然明

不欺口氣香

言語常聰明

談論不謬吃

所說眾奉用

酒肉不過口

無有悞亂意

若當所生處

天人常奉侍

若其壽終後

二十五神迎

五福自然來

光影甚熒熒

佛告辯意復有五事行得生人中何謂為五

一者布施恩潤貧窮二者持戒不犯十惡三

者忍辱不亂眾意四者精進勸化無有懈怠

五者一心奉孝盡忠是為五事得生人中

大富長壽端正威德得為人王一切敬待

此時尊以偈頌曰

布施得大富

錢財而自然

所生常尊貴

輒得父餘財

持戒常完具

奉受三尊教

進心不犯惡

便得壽命長

忍辱不亂眾

瞋恚不犯人

過打不還報

生處常端正

精進不懈怠

常念奉持行

所生輒豪強

得為一切將

一心不退轉

中信念返復

奉事諸尊長

所生無艱難

若行此五事

轉得為人王

財力色端正

自然勇猛將

佛告辯意復有五事行死入地獄億劫乃出

何謂為五一者不信有佛法眾而行誹謗輕

毀聖道二者破壞佛寺尊廟三者四輩轉相

謗毀不信殃罪無敬順意四者及逆無有上

下君臣父子不相順從五者當來有欲爲道者已得爲道便不受師教而自貢高輕慢誹師是爲五事死入地獄展轉地獄無有出期今時世尊以偈頌曰

世間愚癡人

不信佛法衆

愚意欲毀壞

言佛無有神

眼見善惡事

故作衆罪行

神祠而壞之

利少得罪多

末世諸四輩

含毒懷嫉妬

名利故相毀

不知後罪重

世間諸惡人

父子惡相加

財寶利名故

無有敬順意

當來諸惡人

已得爲沙門

不奉受師教

死受罪不輕

行此五事者

其罪不可說

億劫地獄中

諸佛不能救

復次長者子又有五事行墮餓鬼中何謂為
五一者慳貪不欲布施二者盜竊不孝二親
三者愚癡無有慈心四者積聚財物不肯衣
食五者不給父母兄弟妻子奴婢是為五事
墮餓鬼中亦時出尊以偈頌曰
慳貪不布施
私竊不養親
藏積恐亡遺

無慈於老人
妻子及奴婢
一皆不給與
坐守財物死
餓鬼甚為苦
身不見衣裳
腹大咽如針
東西行求食
洋銅灌其咽
不欲得飲之
擘口強令咽
一口入腹中
肝肺腸胃爛
如是之勤苦
經歷數萬年
罪畢乃得出
生為貧賤人

復次長者子又有五事作畜生行墮畜生中
何謂爲五一者犯戒私竊偷盜二者負債抵
而不償三者殺生以身償之四者不喜聽受
經法五者常以因緣艱難齋戒施會以俗爲
緣是爲五事墮畜生中尔時世尊以偈頌曰
常私竊盜人物
喜殺生獵鮫網
無誠信不知道
作衆罪不自覺
牛馬象驢駱駝
常負重死剥皮
復次長者子又有五事得爲尊貴爲人所敬
稍稍積墮畜生
猪羊犬不可數
如是苦甚叵當

何謂為五一者布施周惠普廣二者敬禮佛法三寶及諸長老三者忍辱無有瞋恚四者柔和謙敬五者博聞多學諷誦經戒是為五事得為尊貴眾人所敬亦時世尊以偈頌曰
布施常等心 普濟令眾安
親厚皆蒙恩 敬佛三寶者
所生為尊貴 常得一切禮
生輒得端正 眾人見歡喜
心調能柔和 謙虛而敬順
乃為人中尊 學問誦習經

復次長者子又有五事常生卑賤為人奴婢何謂為五一者憍慢不敬二親二者剛強無

恭恪心三者放逸不禮三尊四者盜竊以為
生業五者負債逃避不償是為五事當生卑
賤奴婢之中介時世尊以偈頌曰

若有愚騃人 憍慢於二親 又無恭恪心

後生轉卑賤 三尊不禮事 剛強於尊老

無慈孝於人 生輒為奴婢 放心恣其意

盜竊人財物 負債不欲償 後生奴婢中

衣食仰於人 走使不自在 功力償其主

罪畢乃得出

復次長者子又有五事得生人中口氣香潔

身心常安為人所譽不被誹謗何謂為五一

者至誠不欺於人二者誦經無有彼此三者

護口不誹謗聖道四者教人遠惡就善五者
不求人之長短是為五事生於人中口氣香
潔身意常安為人所譽不被誹謗亦時世尊
以偈頌曰

恭敬於三尊

不慢老二親

至誠不欺詐

是行人所敬

護口不誹謗

等心於一切

勸人遠惡行

誦習念經法

世人不憍慢

相敬如父母

遇惡揚善者

如是得佛疾

復次長者子又有五事若在人中常被誹謗

為人所憎形體醜惡心意不安常懷恐怖何

謂為五一者常無至誠欺詐於人二者大會

有說法者而誹謗之三者見諸同學而輕試

之四者不見他事而為作過五者兩舌鬪亂
彼此是為五事若在人中常被誹謗為人所
憎形體醜惡心意不寧常懷恐怖今時世尊
以偈頌曰

欺詐迷惑眾
令身受罪深

常無有至誠
若生地獄中

心口所作行
鐵鈎鈎舌出

洋銅灌其口

晝夜不解休

若當生為人

口氣常腥臭

人見便不喜

無有和悅歡

常遇縣官事

為人所譏論

遭逢眾厄難

心意初不寧

死入地獄中

出則為畜生

展轉五道中

不脫眾苦難

復次長者子又有五事所生之處常與佛法

衆會初不差違見佛聞法便得好心若作沙
門即得所願何謂爲五一者身奉三寶勸人
禮事二者作佛形像當使鮮明三者常奉師
教不犯所受四者普慈一切與身正等如愛
赤子五者所受經法晝夜諷誦是爲五事所
生之處常與佛法衆會初不差違見佛聞法
便得好心若作沙門即得所願亦時世尊以
偈頌曰

奉敬三尊者

教化勸禮事

作佛形像好

奉諸師尊教

當視一切人

與身等無異

彼我悉平等

行是會佛前

晝夜當學問

智慧是大寶

開悟諸盲冥

普使知道真

於是長者子辯意聞佛說五十事要法之義
欣然歡喜逮得法忍五百長者子皆得法眼
淨又諸會者各得其志於是辯意從座而起
為佛作禮長跪叉手白佛言善哉世尊快說
是法乃令會者各得其所復使將來濟度厄
難唯願世尊過於貧聚及諸眾會俱來明日
日中屈於舍食尔時世尊默然而許諸長者
子為佛作禮歡喜而去

辯意到舍白父母言今所請者人中難有名
曰如來無上法師三界無比便告其妻令設
飲食即具餽饌明日世尊與諸大眾往到其
舍就坐儼然時辯意長者子與父母眷屬前

禮佛足各自供侍辯意起行澡水敬意奉食
下食未訖有一乞兒前歷座乞佛未呪願無
敢與者徧無所得瞋恚而出便生惡念此諸
沙門放逸愚惑有何道哉貧者從乞無心見
與長者迷惑用爲飯此無慈愍意吾爲王者
以鐵軻車輓斷其頭言已便去

佛嗟嚟訖有一乞兒來入乞白座中衆人各
各與之大得飯食歡喜而去即生善念此諸
沙門皆有慈心憐吾貧窮施食充飽得濟數
日善哉長者乃能供事此等大士其福無量
吾爲王者當供養佛及衆弟子乃至七日之
中當報今日饑渴之恩言已便去佛食已訖

說法即還精舍之中佛告阿難從今已後嚬訖
下食以此為常時二乞兒展轉乞旬到他國
中卧於道邊深草之中時彼國王忽然崩亡
無有後繼時國相師明知相法識書記曰當
有賤人應為王者諸臣百官千乘萬騎案行
國界誰應為王願見道邊深草之中上有雲
監相師占曰中有神人即見乞兒相應為王
者諸臣拜謁各各稱臣乞兒驚愕自云下賤
非是王種皆言應相非是強力沐浴香湯著
王者之服光相儼然稱善無量導從前後迴
車入國時惡念者在深草中卧寐不覺車轢
斷其頭王到國中陰陽和調四氣隆赫人民

安樂稱王之德

余時國王自念昔者是窮之人以何因緣得
爲國王昔行乞食得蒙佛恩大得飯食便生
善念得爲王者當供養佛乃至七日佛之恩
德今以果之即召群臣遙向舍衛國燒香禮
拜即遣使者往請佛言蒙世尊遺恩得爲人
主願屈尊神來化此國愚冥之人得見教訓
於是許之

佛告諸弟子當受彼請佛與諸弟子無央數
衆往到彼國時王出迎與諸群臣稽首佛足
燒香散華伎樂供養佛入宮中即以就座王
起行水供養飯食須臾已訖余時國王爲佛

作禮前白佛言我本是小人有何福行得享
斯位願佛解說令此國人蒙得開曉

佛告王曰往日舍衛城中有長者子名曰辯
意施設大檀請佛及僧時佛坐定下食未覩
有一乞兒來入欲乞一無所得瞋恚而出惡
念生曰若我爲王以鐵軻車轢斷其頭一人
後來乞旬大得而出即生念言若我爲王供
養斯等聖衆之僧七日之中時善念者今王
是也時惡念者卧深草中王受正位迴車入
國車騎侍從轢斷其頭死入地獄爲火車所
轢億劫乃出王今請佛報誓過厚世世受福
無有極已尔時世尊以偈頌曰

人心是毒根

口是禍之門

心念而口言

身受其罪殃

不念善惡人

身自作受殃

意欲害於彼

不覺車轆頭

心為甘露法

令人生天上

心念而口言

身受其福德

有念善惡人

自作安身本

意念一切善

如王得天位

是時國王聞經歡喜舉國臣民得須陀洹道
供養佛七日之後佛於是去王及臣民為佛
作禮歡喜而別於是世尊還到舍衛祇樹精
舍賢者阿難正衣服從座而起為佛作禮長
跪白佛言世尊當以何名斯經云何奉持之
佛告阿難是經名曰辯意長者子所問當奉

持之一名諸法要義

佛復告阿難若善男子善女人有行斯經奉持讀誦宣傳後世令人受持者是人如持佛身福無有異誦斯經者當為弥勒佛所授記如來廣長舌所語無有異佛說經已時諸天龍鬼神四輩弟子聞經歡喜為佛作禮

佛說辯意長者子所問經

無垢優婆夷問經

元魏婆羅門瞿曇般若流支譯

如是我聞一時婆伽婆住舍婆提城寂靜宮
殿重閣講堂尔時無垢優婆夷賢優婆夷等

諸優婆夷往詣佛所到佛所已頭面禮足禮
佛足已退坐一面尔時世尊即告無垢優婆
夷言汝優婆夷不放逸行懈怠以不優婆夷
言我不懈怠不放逸行佛告無垢優婆夷言
汝常云何不懈怠也又汝云何不放逸行無
垢優婆夷白佛言世尊我常早起掃佛塔地
掃已塗治四廂四處清淨塗已散華燒香如
是供養然後入房既入房已次復入禪修四
梵行不離三歸受持五戒常恒如是我不懈
怠不放逸行無垢優婆夷作是語已復白佛
言世尊我今未知掃佛塔地所有善根得何
福報四廂塗治所有善根得何福報散華燒

香供養佛塔所有善根得何福報禪四梵行
三歸五戒所有善根得何福報唯願世尊爲
我解說佛告無垢優婆夷言掃佛塔地得五
福報何等爲五一者自心清淨他人見已生
清淨心二者爲他所愛三者天心歡喜四者
集端正業五者命終生於善道天中無垢當

知掃佛塔地福報如是無垢當知若人信佛
作圓輪形塗佛塔地散華燒香如是供養我
說彼人身壞命終生弗婆提富樂自在於彼
壽終生化樂天無垢當知若人信佛作半月
形塗佛塔地散華燒香如是供養我說彼人
身壞命終生瞿陀尼富樂自在於彼壽終生

兜率天無垢當知若人信佛於佛塔邊四方
塗地散華燒香如是供養我說彼人身壞命
終生鬱單曰富樂自在於彼壽終生啖摩天
無垢當知若人信佛作人面形塗佛塔地散
華燒香如是供養我說彼人身壞命終生閻
浮提富樂自在壽終生於三十三天無垢當
知此塗塔地散華燒香所有善根果報如是
無垢當知若人入禪修四梵行歸佛法僧受
持五戒我說彼人無量無數善根福報無窮
無盡後得涅槃無垢當知若人歸依聲聞緣
覺修集戒聚不能如是無盡涅槃何以故受
持五戒禪四梵行所得果報唯除涅槃更無

處受以福多故世尊亦時如是說已無垢優
婆夷心生疑念默而無言亦時世尊知心念
已即從面門出廣長舌徧覆自面二耳二眼
并二鼻已徧覆虛空覆虛空已還攝入口攝
入口已復語無垢優婆夷言汝頗曾見妄語
之人兩舌惡口綺語之人有如是色舌相以
不亦時無垢優婆夷既聞是語從座而起合
掌向佛白言世尊未曾見也有實語者未有
此舌況妄語人唯除如來應正徧知無始已
來常實語故得如是舌亦時無垢優婆夷知
佛實語離疑心喜以偈讚曰

我於千億劫

不曾憶念見

如是勝法寶

不憶曾供養

我今日得見

如是世間燈

既如是見已

得聞第一法

尔時世尊偈答無垢優婆塞夷曰

汝聞已成聖

此真勝法寶

清淨寂靜法

得入涅槃城

世尊說已無垢優婆塞夷心大歡喜比丘比丘

居優婆塞優婆塞夷一切衆會天人阿脩羅乾

闍婆等聞佛說已讚言善哉

此經人天因

亦是涅槃道

行者向人天

亦趣涅槃門

譯此經功德

普施諸衆生

願速修因道

得人天涅槃

無垢優婆夷問經十

無垢優婆夷問經 不出字

竟

辯意長者子所問經

鼎沸

頂上音

過

於葛反

匈

音凶正作兇

蹇吃

上居輦反下音訖

咽

音煙

擘口

上補反

咽

於見反

抵扞

二同音底上正

獵

上良

輒

反下

恪

口各反

駮

語解反

仰於

上宜反

譏論

上居反

餽

下上反

蕙

交反

得

享

下虛兩反

輞

音岡

音聲

音歷

又識

楚禁反

千乘

下食證反

騎

奇寄反

愕

吾各反

輞

音岡

